

per persunas d'instrucziun, mainascolas e cussegls da scola

No. 3 2021/22

Part generala

Notas attestats da scola speziala

Il departament d'educaziun, cultura e protecziun da l'ambient ha fat en las directivas concernent ils attestats e la promoziun sin il principi da schaner 2022 midaments pertutgant la pratica da far attestats en la scola speziala (vesair art. 5). Da nov retschaivan scolaras e scolars cun scola speziala integrada senza adattaziuns da las finamiras d'emprender in attestat da la scola publica (scola regulara). Scolaras e scolars cun scolaziun speziala separativa u integrativa retschaivan vinavant in attestat da la scola speziala.

[Directivas concernent ils attestats e la promoziun a partir dals 1. schaner 2022](#)

Process tscherna da mastergn – occupaziun da las plazzas d'emprendissadi

Per ils partenaris da la tscherna da mastergn èsi impurtant che giuvenils che sa decidan per in emprendissadi chattan ina buna plazza e che manaschis d'emprendissadi sappian recrutar giuvnas u giuvens adattads.

La cumissiun tripartida per la furmaziun professiunala ha decis da formular en in commitment ils principis da process per la tscherna da mastergn sco era il process da recrutiun.

[Commitment da la cumissiun tripartita](#)

Swiss Skills

Suenter il 2014 ed il 2018 han lieu ils Swiss Skills per la terza giada tranter ils 7 ed ils 11 da settember 2022 a

Berna. I vegnan preschentads 149 professiuns, tantas sco anc mai. Ils Swiss Skills 2022 èn ils campiunadis centrals da professiun e porschan in'invista inspiranta en la gronda purschida da mastergns en Svizra. Ils megliers professiunals giuvens èn engaschads durant quest grond event da tsching dis. Las visitadras ed ils visitaders pon observar els durant lur lavur ed empruvar ora sez ina part dals mastergns.

[Infurmaziun Swiss Skills](#)

Films didactics per cumenzar l'emprendissadi

La societad Rotariers per l'integrasiun professiunala per giuvenils ha sviluppà per giuvenils en la fasa da tscherna da mastergn films didactics che preparan els sin ils primis dis da fufragnadi. Ils curts films tematiseschan temas sco preparaziun, punctualitad, vestgadira, respect, dumandar suenter, teamwork euv. Els èn fatgs da maniera plaschaivla, cun sgnoccas e tematiseschan a buna moda tge che è impurtant per in cumenzament cun success en il mund da lavur.

[Films didactics mund da lavur](#)

Fatgs per ina tscherna da mastergn averta

Il Post da stab per l'egualitad per dunnas ed umens preschenta sin sia pagina d'internet duas brochuras cul tema "Fatgs per ina tscherna da mastergn averta". Ina brochura sa drizza a geniturs e persunas d'instrucziun, l'autra a giuvenils che sa fatschentan cun la tscherna da mastergn. La finamira da las brochuras è che giuvenils na sa laschan tar

Iur tschern da mastergn betg influenzar da stereotips e ch'els sa focuseschan in prima lingua sin lur duns, capacitads ed interess.

[Broschura per scolaras e scolars](#) 

[Broschura per geniturs e persunas d'instrucziun](#) 

Giuventetgna e medias

Giuventetgna e medias è la plattafurma naziunala per la promoziun da medias. Ella persequitescha sin incumbensa dal Cussegl federal la finamira che uffants e giuvenils dovan las medias digitalas a moda e maniera segira e cun responsabladad. Giuventetgna e medias publitgescha diversas brochuras enturn il tema cumpetenzza da medias, vinvant era in feagl volant en 17 linguas, tranter auter er en rumantsch. Las brochuras sa drizzan a geniturs, persunas d'instrucziun sco era ad autras persunas dal fatg che lavuran cun uffants e giuvenils e che vulan savair co promover las cumpetenzas da medias ed accompagnar la giuventetgna en dumondas da medias.

[Infurmaziuns e brochuras giuventetgna e medias](#) 

Lavurar cun funtaunas istoricas da film

Perditgas dal temp èn ina buna basa per discussiuns. La chasa editura Klett e Balmer porscha musters per copiar enturn il tema "La Svizra – ina societad moderna?". Ina introducziun sco era ina survista da las funtaunas da film gidan a s'occupar cun la tematica. Ils films istorics èn libers d'access e sa chattan sin la pagina d'internet "memobase.ch".

[Material istoric da film](#) 

[Muster da copias Chasa editura Klett e Balmer](#) 

Cudesch da paraulas "etica digitala"

En il prim cudesch da paraulas tar l'etica digitala porschan sis paraulas in viadi litterar tras il mund da l'etica digitala. In cudesch da lavur integrà sa fatschenta cun las metodos adattadas per il diever en il context da la furmaziun. Il cudesch stat a disposiziun gratuitamain sco download sin la pagina d'internet da l'institut per etica digitala.

[Institut per l'etica digitala](#) 

Campus da stad SPCH 2022 a Lucerna

Il 131avel campus interchantunal da stad da "scola e perfecziunament Svizra" ha lieu dals 11 fin als 22 fanadur 2022 a Lucerna. La porschida cumpiglia radund 200 curs da perfecziunament tar differents temas actuals da scola. Ils curs pon vegnir reservads online.

[Infurmaziuns ed annunzia](#) 

Mediomatix - Survistas grammaticalas

En connex cun il med da linguatg 'Mediomatix' stattan da nev a disposiziun las survistas da tut ils temas grammaticalas che cumparan en ils singuls toms sco era la normaziun dal

vallader per il diever en scola. Questas glistas pon ins telechargiar gratuitamain da la pagina-web (survistas dals cuntegns dals meds).

[Mediomatix: Survistas dals cuntegns dals meds](#) 

Cordials salids

Andrea Caviezel

Part regionala

Termins

Giudicament d'admissiun tenor protesta 2022

Assegnaziun definitiva 2022: 13 avrigl 2022

Examen da recurs: 24/25 matg 2022

Nus giavischain explicitamain a tut las persunas d'instrucziun da la Gavla classa da betg organiser occurrenzas da scola durant quests duas dis.

Documents per ils uraris 2022/23

La spediziun dals documents pels uraris dal proxim onn da scola ha lieu curt suenter las vacanzas da sport.

Cordials salids

*Inspecturat da scola Plessur-Grischun Central
Christina Nigg (Mainadistrict), Jachen Andri Buchli, Daniela Zanelli, Philipp Hugentobler ed Elisabeth Caluori
(Secretariat)*

